

1612 [April 21.] "uff den hochheiligen Oster Abennt" A
 SCHULDBRIEF VON GEORG LANG VON HERLISBERG FUER ANNA, BARBARA
 UND KATHARINA STAUFFER VON [BERO]MUNSTER

"Jch Jörg Lanng zuo Herlisperg Jm Ampt Hitzkirch der freyen Aemptern des ärgöüws gesessen Bekhenn offenntlich hie mit dissem briefff, Das Jch von denn Erbarenn ... Töchtern ... Anna, Barbara, unnd Catharina Stoufferin, Geschwürten zuo Münster Jm Argöüw, also bar yngenommen unnd empfangen hab, Einhundert guldin in ... Lucerner Wäring, Je und allwegen viertzig derselben schilling für ein Jeden guldin gezalt unnd gerechnet, die in min anligende notturfft ... verwent sind. Dieselben geloben ... Jch für mich unnd min erben, vorernannten dryen Schwestern allenn Jren erben unnd mit recht Jnhabern dis briefffs von dato desselbigen über sechs Jar, wirt sin uff das ... Osterfest ... Sechszehen Hundert unnd achtzechen Jar ..., widerumb also bar unnd samenthafft mit sampt dem Zins, underzwischen eines Jeden Jars, Besonders allwegen uff Ostern, fünfff guldin in ... Lucerner wäring, davon zuo rechtem Jerlichen Zinns gen Münster Jnn den Flecken zuo Jren ... handten ... ze bezalen. Für all Jnnzug unnd fürworth, ouch für meniglichs uffnehmen ..., sonder gentslich unnd gar, ohne allen gesagter dryen Schwestern unnd Jrer erben einichen Costen unnd schaden. Uff von usser unnd abe miner Hussmatten, ist zwey manswerck gross, sampt Pünten unnd garten alles zuo Herlisperg gelegen, stosst einsit and A Lanndtstrass wie man gen Münster fart, anndersit an Uli Caellis [K ä h l i n ?] hussmatten, dritsit an sin Callis Clyn mättli. Jtem min theill Huses unnd Spycher stosst einsit an Uli Callis Huss, andersit an sin Clyn mättli, dritsit an min Hussmatten. Zinnsent Jerlich ein viertheil Korn und ein viertheil Haber dem Tütschen Ordens Huss Hitzkirch sampt einem Vogt Huone, sonst bis an gewonlichen Zechenden fry, Ledig unnd eigenn. Dergestalt mit solchem geding ..., wann Jch oder min erben an ussrichtung wie obstadt sümig erfonden, unnd ... Jnmassen disse verschrybung uswyst nit bezallen wurdent, ... allsdann sollen und mögen obernannte Schwestern unnd Jre erben mich und min erben darumb mit recht fürnehmen unnd bekümben. Darzuo vermelte Unnderpfanndt mit aller Zuogehörde, und so daran nit gnuog were, allsdann all annder min und miner erben Haab unnd guote, nützit darvon ussgenommen, ... angriffen, anlangen, vergandten, verkouffen [mögen] ..., sovil unnd lanng ... bis sy umb Jr verfallenn Zins unnd Houptguet sampt allem erlittnem costen unnd schaden ... bezalt sind."

Besiegelt mit dem Siegel des derzeitigen Landvogtes der Freien Aemter, Beat A u f d e r m a u r, Rat von Schwyz.

[gez.] Landschreiber Hans K n a b [der Aeltere]

Original, Siegel abgefallen - AH 48, 171

82

1595 [Februar 2.] "uff unser lieben frouwen Liechtmesstag"

A

SCHULDBRIEF VON HEINRICH WIRTH VON HAEGGLINGEN FUER JAKOB BUCHER VON BREMGARTEN

"Jch nachgemelter Heini¹ würt, Rechter wüssenthaffter Houptgüllt, Sodenne Hans w ü r t sin bruoder unnd Heinrich F r i c k e r², bed recht unverschaidenlich mitgüllten, Bürgen und nachwären, und all drey zuo Hegglingen Jnn freyen empteren des ergöws gessen, Bekennent offentlich ... mit disem brieff, das der ... Jacob³ Buocher des Raaths zuo Bremgarten, mir obgesagtem houptgüllten uff min ... Pitt also bar Jnn thriwen fürgsetzt, und ich an min quotenn nutz verwendet hab, Namlichen Einhundert guldin ... Lucermner wer-schafft, Je unnd allwegen viertzig derselben schilling für ein Jeden gulldin ... gerechnet. Dieselbenn gelobent ... wir houpt- unnd mitgülten für uns und all unser erben, Benantem Jacob Buocher, sinen erben old Jnhabern dis brieffs von dato desselben über zwey Jar, so sin wirt uff ... Marie Liechtmesstag [1597] ... samenthafft Jnn ablosungswys mit sampt fünff guldinen ... Jerlichen Zins, auch underzwüschent uff Liechtmess des Sechs unnd Nüntzigisten Jars den ernempen Zins die fünff guldin ... zuo bezallen, gentslich one ernempts Jacob Buochers und siner erben costen unnd schaden". Nach Ablauf von zwei Jahren bleibe dieser Schuldbrief, sofern er nicht gekündigt werde, weiterhin bestehen. "Und damit sy des alles dester ... sicher ... sigen ... hab ich obgeseiter Houptgüllt Jnen hierumben zuo rechtem underpfandt Jngsetzt ... Mine güeter alle, [die] min lieber vatter selig von Claus Ruedi S c h m i d t erkoufft hat, vermögen zuo den dreyen Zellgen, überal drysig Jucharten acher, vier manswerch matten. Darab gat Jerlich bodenzins fünff mütt Kernnen uff den Stouffberg [Kirche Staufen], Ein schilling der Kilchen zuo Hegglingen⁴, etliche hüener und eyer gen Amertschwyl [Kirche? Ammerswil], und stad vormalen daruff Einhundert Bern guldin houptgutz gen Künigsfelden unnd Einhundert guldin inn müntz gen Baden ghörende, sonst ledig und wyter nit ver-